

Program Jelajah Ilmu IV Universiti Malaysia Perlis Ke Shanghai Dan Beijing

Pada 17 November 2007 hingga 23 November 2007, Universiti Malaysia Perlis (UniMAP) telah mengadakan lawatan jelajah ilmu ke Shanghai dan Beijing, China. Program ini bertujuan untuk melatih dan mendedahkan pelajar UniMAP tentang negara luar, budaya dan cara pembelajaran di sana. Lawatan ini telah disertai oleh 20 orang pemimpin pelajar dan 10 orang kakitangan UniMAP yang telah diketuai oleh Y. Bhg Dato' Kamarudin Hussin, Naib Canselor UniMAP dan isteri.. Lawatan ini telah diorganisasikan oleh Majlis Perwakilan Pelajar 2006/2007 dengan kerjasama Jabatan Hal Ehwal Pelajar UniMAP, Jabatan Canselori UniMAP dan Pusat Hubungan Antarabangsa UniMAP.

Lawatan dimulakan dengan lawatan ke British College of Shanghai. Di sana, delegasi berpeluang untuk beramah mesra dan bertukar-tukar pendapat dengan pelajar di kolej tersebut. Selain itu, para delegasi turut melawat ke Tsinghua University yang merupakan universiti yang terkemuka di Beijing dan



berada di kedudukan pertama di antara semua universiti di sana. Universiti tersebut juga merupakan universiti yang cemerlang di China dan para delegasi telah dibawa melawat ke beberapa fakulti di sana seperti Pusat Penyelidikan dan Fakulti Teknologi Bahan. Delegasi juga dapat bertukar-tukar pendapat dengan pelajar di sana tentang sistem pembelajaran mereka yang boleh diaplikasikan di UniMAP. Selain lawatan ke institusi pengajian tinggi, para delegasi turut mengadakan lawatan ke beberapa tempat bersejarah di sekitar Shanghai dan Beijing.

